

Nerisassanik nalunaaqutsersuisarneq pillugu Namminersorlutik Oqartussat nalunaarutaat

Tuniniaanissamik nittarsaassisarneq aamma nalunaaqutsersuisarneq pillugu Inatsisartut inatsisaat nr. 39, 9. decembari 2015-imeersumi (nittarsaassisarnermut inatsit) § 16, imm. 1 aamma § 39, imm. 2 naapertorlugit aalajangersarneqarput:

Kapitali 1

Atuuffia nassuaatillu

§ 1. Nalunaarut una atuutissaaq Kalaallit Nunaanni nerisassanik tuniniarneqartussatut aalajangiunneqartunik nalunaaqutsersuisarnermi.

Imm. 2. Nerisassat avammut nioqqutigineqartussat nalunaarummi pineqanngillat.

Imm. 3. Nerisassanik nalunaaqutsiineq Europæiske Unionimi nerisassanik nalunaaqutsersuisarnermut piumasaqaatinik qaqgumulluuniit atuuttunik naammassinnitoq nalunaarut manna malillugu nalunaaqutsiinermut taartaasinnaavoq, tak. taamaattoq suli § 11, imm. 2, nr. 1 aamma imm. 3, § 23, imm. 5, aamma § 41.

§ 2. Nalunaarummi uani nalunaaqutserneqartussat makku pineqarput:

- 1) nerisassat nerisassianut sorlernut ilaandersut paassisutissiiffiginissaat (sorpiaanerannik nalunaaqutsiineq), aamma
- 2) nerisassat naammassillugit poortoriikkat atuisunut igaffissuarnulluuniit, nerisassiorfissuarnut, neriniartarfinnut, paaqqinnittarfinnut assigisaannulluuniit tuniniarneqartussatut aalajangiussat.

§ 3. "Nerisassat" nalunaarummi uani tassaapput tunisassiatut suliat assigiissaarlugit suliarineqarsimasut, sananeqarsimasut poortorneqarsimasulluuniit.

§ 4. "Nerisassat naammassillugit poortoriikkat" nalunaarummi uani tassaapput nerisassat tuniniarneqarnissaat sioqqullugu toqqaannanngitsumillu ataqatigiinngitsumik poortuitissanut aatsaat atuisunit igaffissuarnilluuniit, nerisassiorfissuarnit, nerianiartarfinnit, paaqqinnittarfinnit assigisaannilluuniit ammarneqartussanut poortorneqarsimasut.

§ 5. "Nioqqutissat suunerinut taaguusiinermi taaguut" inatsisini nerisassamut aalajangiunneqartoq taaguutitut paasineqassaaq.

Imm. 2. Inatsisini taagummik aalajangiisoqarsimanngippat, tak. imm. 1, taaguut nerisassamut pisarnertut taaguutaasoq atorneqassaaq.

Imm. 3 Taaguutinik nalinginnaasunik ilisimaneqartunik soqanngippat, tak. imm. 2, taagummik nassuaataasumik nerisassap suuneneranut tikkuussilluni tulluartuusinnaasumik atuisoqassaaq.

§ 6. “Akua” nalunaarummi uani imatut paasineqassaaq suugaluartorluunniit nerisassamik sananermi nerisassiornermiluunniit akoritinneqartoq, nerisassiamilu naammasseriikkami allanngorluniluunniit nassaassaasoq.

Imm. 2. Nerisassami akorineqartoq akuutissat arlallit atorlugit sanaajusimappat akuutissat taakku nerisassami pineqartumiittut akuutissatut isigineqassapput.

§ 7. “Inuussutissaqassusianut nalunaarsuiffimmut” atatillugu nalunaarummi uani paasineqassapput poortutissami paasissutissat suugaluartut nerisassami makkua akuusut:

- 1) nukik,
- 2) orsoq,
- 3) kulhydrat,
- 4) protein,
- 5) kostfibre,
- 6) tarajoq, aamma
- 7) vitaminit mineralillu ilanngussaq 2-mi nassuaatigineqartut, tassa ilanngussaq naapertorlugu annertuutut nassaassaatillugit.

§ 8. “Inuussutissaqassutsimik pilerisaarineq” nalunaarummi matumani poortutissami, ilisaritsinermi imaluunniit pilerisaarineremi nassuaatigineqartoq, suugaluartoq aamma nerisassap inuussutissartamigut immikkut iluaqutaasinnaanera pillugu atuisut isumaqalersinniarlugit pineqarpoq, nerisassap immikkut peqqinnassutsimigut nukimmik, imaluunniit inuussutissartamigut, vitaminit mineralilluilanngullugit.

§ 9. Nalunaarummi matumani makkununnga tunngatillugu paasisassat:

- 1) “Proteini”: kisitseriaaseq una malillugu proteinimiittut naatsorsorneqarput: proteini = KjeldahlNitrogeni katillugit amerlisarligillu 6,25-imik.
- 2) “Kulhydrati”: kulhydrati suugaluartorluunniit inuup inuussutissartornerani nerineqartoq timimilu suliarineqartoq allanngortinneqartorlu, soorlu polyolit.
- 3) “Sukkut assigiinngitsut”: monosakkarid-it aamma disakkarid-it nerisassani akorineqartut tamarmik. Polyoler ilanngunneqanngillat.
 - 1) “Orsoq”: lipid-it nerisassamiittut tamarmik katinneri, taakkununnga ilanngullugit phospholipider.
 - 2) “Orsut arrujasut”: Orsut tamarmik marloriaammik atassuteqanngitsut.
 - 3) “Orsut arrujaatsut ataasiakkaartut”: Orsut tamarmik ataatsimik isuatigut marloriaammik atassutillit.
 - 4) “Orsut arrujaatsut”: Orsut tamarmik marlunnik amerlanerusunilluunniit isuatigut, cismethylenit marloqiusamik atassutillit kipisimasut.
 - 5) “Tarajoq”: tarajoq uuma kisitseriaatsip tarajoqassussaa naapertorlugu paasineqassaaq: tarajoq = natriumi amerlisarligu 2,5-imik.
 - 6) “Agguaqatigiissinnerisa nalingat”: nalinga inuussutissatut inuussutissaqassusaanut naapertuunnerpaaq, issusialu eqqarsaatigalugu ukiup qanoq ilinerani allannguutaasinnaasut, atueriaatsit

allallu sunniutaasinnaasut pissutigalugit nalinganut sunniuteqarsinnaasut.

§ 10. Nerisassap “qanoq sivisutigisumik atasinnaanera” pineqartillugu nalunaarummi matumani ulluliunneqartoq pineqarpoq, aamma nerisassap eqqortumik toqqortarineqarnermigut immikkorluinnaq ittumik atasinnaanera ullulerneqartarluni.

Kapitali 2

Nalunaaqutsersuisarnermut aalajangersakkat nalinginnaasut

§ 11. Nalunaarut manna naapertorlugu nalunaaqutsiineq:

- 1) atuaruminartuussaaq,
- 2) ersarissumik takuneqarsinnaassaaq, aamma
- 3) piiarneqarsinnaassanngilaq.

Imm. 2. Kapitalit 4-9 naapertorlugit nalunaaqutsiisarneq aammattaaq imaassaaq:

1) kalaallisut, tuluttut, islandimiusut imaluunniit danskisut oqaatsilluunniit allat atorlugit erseqqissarneqassaaq, allattariarsornikkullu danskisut allannermiit malunnangitsumik assigiinngissuteqassalluni, aamma

2) imaaliallaannaq sumiiffimi takuneqarsinnasumi erseqqissarneqassaaq.

Imm. 3. Inuuussutissanik tuluttut imaluunniit islandimiusut nalunaaqutsikkanilli tunisaqtarnissamut piumasaqaataavoq inuuussutissat inissinneqarfisimasaasa eqqannguani niuertarfimmi nalunaaqutsersuutit nutserneqarsimanagernik inissiisoqarsimanissa, nalunaaqutsersuutaasut tamaasa eqqarsaatigalugit, nalunaarummi matumani piumasarineqartutut kalaallisut imaluunniit danskisut. Akut sapigalinnut navianartut, tak. § 23, imm. 2, ersarissaavagineqarsimassapput takuneqarsinnaasunik.

§ 12. Nalunaaqutsiinermut paasissutissat poortutissamut ikkunneqarsimassapput, nerisassianullu poortoriikanut tunngatillugu poortutissamut naammasseriiKKamut imaluunniit allagartaliussamut ilanngussamut ikkunneqarsimassallutik.

Imm. 2. Paasissutissat kapitali 3-mi taaneqartut nerisassanut naammassillugit poortorneqanngitsunut ikkunneqarsinnaassangippata niuernermi allagaatinut ilanngunneqartunut ilineqassapput.

Imm. 3. Imatullu pisoqarsimatillugu nalunaaqutsersuinermut paasissutissat kapitalini 4-miit 9-mut taaneqartut niuernermi allagaatinut erseqqissaatigissallugit naammappoq:

- 1) nerisassiaq naammassillugu poortoriigaq niuertarfimmut pitinnagu nioqqtigineqalerpat, tunisinerlu nerisassiorfissuarnut, neriniartarfinnut, paaqqinnittarfinnut assigisaannulluunniit pinngippat, imaluunniit
- 2) nerisassiaq naammassillugu poortoriigaq nerisassiorfissuarnut, neriniartarfinnut, paaqqinnittarfinnut assigisaannulluunniit iganeqarfissaanut, suliarineqarfissaanut, aggorneqarfissaanut imaluunniit pilanneqarfissaanut tunniunneqartussatut aalajangiunneqarsimappat.

Imm. 4. Nalunaaqutsiinermut paasissutissat imm. 3-mi taaneqartutut erseqqissarneqarsimassappata: 1) niuernermut allagaatinut nerisassat taaneqartut ilanngunneqassapput imaluunniit tunniussinissaq sioqqullugu nassiunneqarsimassapput imaluunniit peqatigitillugu tassunga ilanngunneqassapput, imaluunniit

2) tunisassiorfiup aqqa, nioqqtissap taaguutaa, qanoq sivisutigisumik atasinnaaneranut ullulernera pisariaqarpallu inissinnissaanut najoqquassat pillugit paasissutissat poortutissap qaavanut

erseqqissaatigineqassapput, tassaniissappullu nerisassat pilerisaarutigineqarnerat.

Kapitali 3

Suunerinut nalunaaqutsiisarneq

§ 13. Nerisassat nerisassianut sorlernut ilaanerat pillugu paasissutissanik nalunaaqutserneqarsimassapput.

Imm. 2. Imm. 1 tunisassianut nunalerisuneersunut atuutinngilaq, tassa pinngorfianniit, aalisakkat nutaat, aalisakkanilli tunisassiat nutaat, aalisariummeersut kiisalu uumasut nutaat piniartuneersut:

- 1) toqqorsivimiittussanngorlugit, inissitserivimiittussanngorlugit imaluunniit poortuivimiittussanngorlugit kalaalimineerniarfimmiiittussanngorlugilluunniit tuniniarneqartut tunniunneqartulluunniit,
- 2) suliffeqarfinnut tunisassiorfinnut assartorneqartut imaluunniit
- 3) nerisassarineqartussanngorlugit imaluunniit suliareqqitassanngorlugit aaneqartut

Imm. 3. Imm. 1 aammattaaq atuutinngilaq

- 1) atugassanik pisiniarfintti nerisassat poortorneqanngitsut, kiisalu kalaalimineerniarfintti nerisassanik tuniniaanermi,
- 2) nerisassanut poortutissanut puunulluunniit centimeterit 2 10-t ataallugit angissusilinnut poortukkanut,
- 3) nerisassanut ullormik asiuffissamik imaluunniit ullormik atiuffissamik kingullermik nalunaaqutsikkanut, matumani ulluliunneqartoq ilisarnaasernagu allanneqarsimappat aamma ulloq qaammallu taamatut tulleriisillugit allanneqarsimappata, aamma
- 4) ataasiakkhaarlugit poortorneqarsimasunut, matumani ataatsimoorluni poortutissamut paasissutissat tunniunneqarpata.

Kapitali 4

Nerisassanut naammassillugit poortoriikkat aalajangersakkat

§ 14. Nerisassat naammassillugit poortoriikkat paasissutissanik makkuninnga nalunaaqutserneqassapput:

- 1) suunerinut nalunaaqutsiineq, kapitali 3 takuuk.
- 2) tunisassiorup aqqa allallu kiisalu suminggaaneersunera, kapitali 5 takuuk,
- 3) nioqqtissap suunera akunullu allattorsimaffik, kapitali 6 takuuk,
- 4) poortutissaq ilangunnagu imarisai, kapitali 7 takuuk,
- 5) uumassutissartai, kapitali 8 takuuk, aamma
- 6) qanoq sivisutigisumik atasinnaanerannut takussutissat kiisalu toqqorsinissamut atuinissamullu malitassat immikkut ittut, kapitali 9 takuuk.

Imm. 2. Nerisassat poortoriikkat qaavi 10 cm²-imit mikinerusut nioqqtissap suunera, poortuutaq ilangunnagu imarisai aamma atasinnaassusia allallugit paasissutissiissutigissagaanni naammappoq.

Kapitali 5

Tunisassiorup aqqa il.il. aamma suminggaanneerfa

§ 15. Nalunaaqutsiinermi tunisassior tup aqqa imaluunniit suliffeqarfiup poortuiffiusup aqqa pillugit paasissutissat ilanngunneqassapput.

§ 16. Nalunaaqutsiineq nerisassap suminngaanneernera pillugu paasissutissanik imaqqassaq, matumani tamanna pillugu atuisumut paasissutissaqannginneq paatsoortitsisinnaappat.

Kapitali 6

Nioqqutissap suuneranik nassuaaneq akunullu allattorsimaffik

§ 17. Nerisassat nioqqutissat suunerinik nassuaatitaqassapput, takuuk § 5.

Imm. 2. Tunisassiorfiup nalunaaqutsiineranik, nioqqutissap suuneranut nalunaaqutsiineq, imaluunniit takorluuinerit malillugit tunisap aqqa taarserneqarsinnaanngilaq.

§ 18. Nioqqutissap taaguutaa inuussutissap qanoq ittuuneranik imaluunniit immikkut suliarineqarsimaneranik ilaqtinnejassaaq, soorlu seqtseqqissaakkanik qajuusaappata, qeriteqqillugu panertitaappata, qerititaappata, akuitsunngorlugu suliaappata imaluunniit pujuugaappata, immikkut paasissutissiisoqannginnnera pisisumut paatsuungalersitsisinnaappat.

Imm. 2. Nerisassanut tuniniaanissaq sioqqullugu qerisimasunut, aatsillugillu tuniniarneqartunut tunngatillugu nerisassamut taaguut "aatsinnejqarsimavoq" ilanngunneqassaaq. Tamatuminngali minitaqarneq pisisussamut paatsiveerutsitsissanngippat tamanna makkunani atuutissanngilaq:

- 1) Akut tunisassiami naammasseriiKKamiiillugit.
- 2) Nerisassanut tunisassiornerup ingerlannerani qerititsinissaq teknikip tungaatigut pisariaqarsimappat.
- 3) Nerisassanut qeriunnaarnikunut tunngatillugu isumannaallisaaneq pitsaassuserlu ajorseriassanngippata.

Imm. 3. Nerisassamut ilaasoq akorluunniit nerisassami nalinginnaasumik atorneqartussatut pissusissamisoortumilluunniit nerisassaniittussatut naatsorsuutigineqartoq nerisassanut ilaasussamik akumilluunniit allamik taarserneqarsimappat nerisassamut ilaasoq akorluunniit taarsiisoqarnerani tamakkiisumik ilaannakuusumilluunniit atorneqarsimasoq nalunaaqutsersuinermi ersarissumik nassuiarneqassaaq. Taamatut nassuaaneq ersarissumik allanneqarsimassaaq, nioqqutissamullu nassuaatigineqartup eqqannguanut inissinneqarsimassalluni.

Imm. 4. Neqi tunisassiarineqartoq imermik akuneqarsimappat nioqqutissamut nassuaatigineqartumi erngup akuutigineqartup annertussusaa ilanngunneqassaaq, matumani imeq akorineqartoq nioqqutissap naammasseriiKKap oqimaassusaata 5 %-iannik qaangiisimappat.

§ 19. Inuussutissaq akunik assiginngitsunik katitigaasoq akut allattorsimaffiatigut akorineqartut tamaasa nerisassap sananeqarnerani ilaasut pillugit paasissutissanik nalunaaqutsigaassaaq, taamaattoq takuuk § 21.

Imm. 2. Akut allattorsimaffianut makkuninnga piumasaqartoqarpoq:

- 1) paasissutissat oqaaseq "akorineqartut" ilanngullugu nassuaaffigineratigut aallarnerneqassapput,
- 2) akorineqartut ataasiakkaat oqimaasutsit milliartornerat malillugu tulleriaarlugit, sananeqarfisalu aallartiffiat naatsorsuullugu nassuiarneqassapput, tak. taamaattoq § 20, aamma

3) akorineqartut § 17-imni aamma § 18, imm. 1-imni malittarisassat naapertorlugit immikkut taaguutaat atorlugit nassuiarneqassapput.

Imm. 3. Imeq ilanngussaq akorineqartullu imerpalasut nioqqutissami naammasseriikkami oqimaassusii malillugit nassuiarneqassapput. Erngup akorineqartussatut ilanngunneqartup annertussusia nioqqutissap naammasseriikkap ataatsimut oqimaassusia aallaavigalugu kiisalu akorineqartut allat atorneqartut ataatsimut qassiunerat ilanngaatigalugit aalajangerneqartarpooq. Nioqqutissap naammasseriikkap oqimaassusaanik imeq ilanngunneqartoq 5 procentimik qaangiisimanngippat erngup ilanngunneqartup sunik imaqarnera ilannguttariaqanngilaq.

§ 20. § 19, imm. 2. nr. 2 akunut makkununnga tunngatillugu saneqqunneqarsinnaavoq:

1) Akut kimittoqquserlugit panertillugilluunniit atorneqartut, sananeqarnerannilu pilerseqqinnejartut. Akut tamakku kimittorsiinerit panertitsinerillu sioqqullugit oqimaassusaat malillugit allattorsimaffimi nassuiarneqarsinnaapput.

2) Akut nerisassani kimittorsakkaniittut panertitaniittulluunnit imermik akuneqartussat. Tamakku nioqqutissami pilerseqqinnejartumi oqimaassutsimikkut nassaassaanerat malillugu nassuiarneqassapput, matumani akunut allattorsimaffik paasissutissanik "nioqqutissami pilerseqqinnejartumi akut"-mik imaluunniit "nioqqutissami atuisunut piareeqqasumi akut"-mik ilallugu.

3) Paarnani, pupinni imaluunniit naatitani akuukkani akut, taakkunani paarnat, pupiit imaluunniit naatit oqimaassutsimikkut akorineqartunut pingaarnernut ilanngullugit. Tamakku allatut tulleriaarlugit erseqqissaaffigineqarsinnaapput, matumani akunut allattorsimaffik "amerlassutsimikkut allanngorarput"-mik paasissutissartalerlugu ilaneqarpat.

4) Akut akuutissaniittut naasunillu akutut akuukkaniittut, taakkunannga arlaat oqimaassutsimikkut pingaarnertut akuunngitsoq. Tamakku allatut tulleriaarlugit erseqqissarneqarsinnaapput, matumani akunut allattorsimaffik paasissutissamik "allanngorartunik amerlassuseqarput"-mik ilaneqarpat.

5) Akut nioqqutissap naammasseriikkap 2 %-ianit annikinneruppata. Tamakku akut allat malillugit allatut tulleriaarlugit erseqqissarneqarsinnaapput.

6) Akut imminnut assigiittut imaluunniit imminnut paarlaassinnaasut aamma inuussutissap katitigaanera, suussusaa nalingaluunniit allanngortinngikkaluarlugu nerisassamik sananissamut uutsinissamulluunniit atorneqarsinnaasut, tamakku nioqqutissap naammasseriikkap oqimaassusaanik 2 %-imik qaangiisimanngippat. Tamakku akunut allattorsimaffimmut erseqqissaatigineqarsinnaapput "imaqarpoo... aamma/imaluunniit ...", matumani akut ilaanni akunit marluusunit ikinnerpaamik ataaseq ilaappat.

Minitaqarnerli tamanna akunut sapigalinnut navianartunut atuutinngilaq.

7) Uuliat sukuluiaruakkat orsullu naasunit pisut. Tamakku akunut allattorsimaffimmut taaguutit "uuliat naasunit pisut" aamma "orsut naasunit pisut" atorlugit immikkoortinneqarsinnaapput, kinguneratigullu allattuiffimmik naasut suminngaanneernerannik immikkut nassuaatitalimmik ilallugit, kinguneratigullu "amerlassutsimikkut allanngorartut"-mik ilallugit. Taamaattoqassanngippat uuliat naasuneersut orsut ilanngullugit aammalu naatitat ataatsimut oqimaassusiat atorneqartoq tunngavigalugu § 19, imm. 2, nr. 2-mut naapertuuttumik akut allattorsimaffiannut ilanngunneqassapput.

Imm. 2. § 19, immikkoortuni 1-imni ilaasunut imm. 2, nr. 3-mi aalajangersakkat saneqqunneqarsinnaapput akunut ilanngussaq 1-imni immikkoortunitunngatillugu .

§ 21. Akunut allattorsimaffik ukununnga tunngatillugu piumasaqaataanngilaq:

- 1) Paarnanut nutaanut naatitanullu nutaanut qalipajagaanngitsunut, aggornikuunngitsunut allatulluunniit suliaanngitsunut.
- 2) Imermut taamaallaat kulsyremik akusamut, kulsyrimillu akusisoqarnera nioqqutissap nassuaataani nalunaarneqarsimasumut.
- 3) Seernartumut pullassiilluni sanaamut, matumani aku ataasiinnaq atorneqarsimappat, akunillu allanik akoorisoqarsimanngippat.
- 4) Imeruersaatit imigassamik aalakoornartortalimmik 1,2 volumen procenti sinnerlugu akullit.
- 5) Nioqqutissat ataasiinnarmik akullit, nioqqutissamullu nassuaataanik akut nassuaataannut assingusumik pillit imaluunniit akup suussusaanik nioqqutissap nassuaataani paasineqarsinnaasumik. 6) Inuussutissat annikitsukkuutaarlugit pisiniarfimmi tassani sananeqartut, naammassillugit poortorneqartut tuniniagassatullu neqeroorutaasut, matumani niuertarfik aperineqaruni akunik sorlernik atuisimanermik paasissutissiisinhaappat.
- 7) Immussuaq, punneq, immuk immulluunniit immuk kinertoq arrorsagaq, immunnit assinngitsunik allanik aqoqanngippata, enzymnik tappiorannartunillu sananeqarnermigut atorneqartariaqartunik aqoqanngippata, imaluunniit tarajoq immussuarmik allamik nutajunngitsumik aatsitamillu immussuarmik sananissamut atorneqartariaqartoq.

Imm. 2. Inuussutissanut ilanngunneqartut tullinnguuttut akut allattorsimaffianni mininneqarsinnaapput:

- 1) Imeq nerisassiornermi taamaallaat akumik kimittorsakkamik panertitamilluunniit allanngortitsinissamut atorneqartoq.
- 2) Imeq akuugaq pisarnertut nerineqarneq ajortoq.
- 3) Nerisassanut akuutissat (stoffit enzymillu) nerisassami tassanerpiaq akuutissani ataatsimi arlalinniluunniit nassaassaanerat pissutaalluni tunisassiornermi akutut atorneqartut imaluunniit taamaallaat nerisassami nassaassaasut, taamaattoq akuutissat tamakku nerisassami naammasseriikkami teknikip tungaatigut atuuffeqanngippata.
- 4) Akuutissat kivitsisut akussallu inuussutissanut akussaanngitsut, taamaattorli akuutissat kivitsisut assigalugit akutut siunertaminnullu atorneqartut naammattumillu annertussusilerlugit atorneqartut.
- 5) Akuutissat nerisassanut akussaanngitsut, taamaattorli teknikip tungaatigut akuutissatut iluaqtissatut atorneqartut assinganillu siunertaqartut nioqqutissami naammassisami suli nassaassaasut, immaqalu allanngorluni.

Imm. 3. Taamaattoq akut imm. 2, nr. 3-5-imi nassuiardeqartut sapigalinnut navianartuusimappata nassuiardeqassapput takuneqarsinnaanngorlugillu erseqqissarneqassallutik, § 23, imm. 2 takuuk.

§ 22. Akuugaq inatsisitigut ileqqutigulluunniit aalajangersagaasimappat akut allattorsimaffianni erseqqisaatigineqarsinnaavoq, nioqqutissiamilu ataatsimut oqimaassusaa malillugu akut allattorsimaffiannut inissinneqarluni, matumani taamatut nassuaanerup kinguninnguatigut akumut katitigaasumut naatsorsorlugu ilanngunneqarpat.

Imm. 2. Akunulli ilanngunneqartunut naatsorsuineq imm. 1-imi taaneqartoq aku katitigaasoq nioqqutissap naammasseriikkap 2 %-anik annikinnerusimappat imaluunniit aku katitigaasoq nerisassamiittooq akut suunerinik nassuaafffigisariaqanngippat ilannguttariaqanngilaq.

§ 23. Aku sapigalinnut navianartoq akut allattorsimaffianni takuneqarsinnaalluartumik akunit allanit immikkoortillugu takuneqarsinnaanngorlugu nassuiardeqassaaq, assersuutigalugu allaatsimik, ilutsimik

imaluunniit tunuliaqtassamik aalajangersimasumik qalipaasikkamik.

Imm. 2. Akut sapigalinnut navianartutut isigineqartut tassaapput:

- 1) Immuk immullu tunngavigalugu nioqqutissat, taakkununnga ilanngullugu laktose. Taamaattoq lactitol kiisalu valle aalakoornartuliornermi atorneqartartoq pinnagit, taakkununnga ilanngullugu ethanol nunalerinermi atorneqartartoq.
- 2) Iffugassat glutenimik akullit. Taakkununngali ilaangillat glycosesirup qajuusaneersoq imaluunniit suaasiassaneersoq, dextrose aamma maltodextrinit qajuusaneersut, kiisalu karrit tunisassiat aalakoornartuliornissamut atugassiat, matumani nunalerinermut ethanol ilanngullugu.
- 3) Aalisakkat aalisakkamillu tunngaveqarluni tunisassiat. Taakkununngali ilaangillat issortitsissutaa aalisakkaneersoq vitamininut carotenoidinullut præparatinut imaritsitsisuttit atorneqartussaq, kiisalu issortitsissut aalisakkaneersoq imaluunniit issortitsissut immiaaqqani viinninilu ersarissaatitut atorneqartartoq.
- 4) Peqquk peqqullu tunngavigalugu tunisassiat.
- 5) Qimerloqanngitsut qimerloqanngitsunillu tunngaveqarluni tunisassiat.
- 6) Manniit manniillu tunngavigalugit tunisassiat.
- 7) Qaqqortarissat qaqqortarissallu tunngavigalugit tunisassiat.
- 8) Qaqqortarissat, tassa mandelit (*Amygdalus communis L.*), hasselnødder (*Corylus avellana*), valnødder (*Juglans regia*), cashewnødder (*Anacardium occidentale*), pekannødder (*Carya illinoiesis* (Wangen.) K. Koch), paranødder (*Bertholletia excelsa*), pistaciødder (*Pistacia vera*), queensland nødder (*Macadamia ternifolia*), taakkuninngalu tunngaveqarluni tunisassiat. Taamaattoq qaqqortarissat aalakoornartortalinnik sananissamut atorneqartartut ilaangillat, taakkununnga ilaalluni ethanol nunalerinermi atorneqartartoq.
- 9) Soja, taannalu tunngavigalugu tunisassiat. Taakkununngali ilaangillat uulia orsorlu sojameersut, tocopherolit (E 306) akusaanngitsut akulerutsitat, D-alpha-tocopherol akusaanngitsut, D-alphatocopherylacetat akusaanngitsoq, D-alpha-tocopherylsuccinat akusaanngitsoq sojamit pilersitaq, plantesterolit plantesterolesterit sojamit uuliamit pilersitat, plantestanoesterit sojamit uuliamit pilersitat.
- 10) Selleri, taannalu tunngavigalugu tunisassiat.
- 11) Sennep, taannalu tunngavigalugu tunisassiat.
- 12) Sesamfrø, taakkulu tunngavigalugit tunisassiat.
- 13) Lupin, taannalu tunngavigalugu tunisassiat.
- 14) Svooldioxid aamma sulfittit kimittuut kiilumut literimulluunniit 10 mg-init annertunerusut SO₂-tut tamarmiusutut tunisassiatut atoriaannartut neqeroorutigineqartutut imaluunniit tunisassiotup ilitsersuineratigut katiteeqqitatut naatsorsuutigineqassapput.

Imm. 3. Glycosesirup, dextrose imaluunniit maltodextrinit atorlugu akut tunisassiat, qajuusanit imaluunniit uuliamit orsumilluunniit sojameersumit akuiaruinnakkamit sananeqarsimasut sapigaqartunut navianartutut isigineqanngillat, suliarineqarnera sapigaqartunut navianarnerulersitisimanngippat.

Imm. 4. Inuussutissamut naammasseriikkamut poortoriikkamut akut allattorsimaffiata allassimanissa piumasaqaataanngippat akumik tunisassiamilluunniit sapigalinnut navianartumik akoqarpat, tamanna immikkut allanneqassaaq. Massumani "akoqarpoq" malitsigalugit akut tunisassialluunniit sapigaqartunut navianartut taaguutaat allanneqassapput. Tamanna allanneqanngitsoorsimasinnaavoq, inuussutissap tunisassiatut taaguutaa akumut pineqartumut toqqaannartumik innersuussippat.

Imm. 5. Oqaatsitigut apersuisoqarsimassappat nerisassatut tunisassiami poortoriikkami akumik sapigalinnut navianartumik atuisoqarsimanersoq, sapigalinnullu navianartoq matumani sorleq pineqarnersoq pillugit ilitsersuisoqassaaq. Ilitsersuussisoqartassaaq oqaatsit ilitsersuunneqartussap paasisinnaasai atorlugit.

§ 24. Nerisassap nalunaaqutsernerani akunik nerisassap immikkut ittuuneranut pingaarutilinnik ataatsimik arlalinnilluunniit annertuumik annikitsumilluunniit atuisoqarnera erseqqissarneqarpat tamanna procentinngorlugu nassuiarneqassaaq. Taamatut nassuaaneq nerisassap nioqqutissatut nassuiarnerata qanittuani imaluunniit akumut pineqartumut atatillugu akunut allattorsimaffimmut nassuiarneqassaaq.

Imm. 2. Imm. 1 ukununnga tunngatillugu atuutissanngilaq:

- 1) nalunaaqutsiinernut § 5 naapertorlugu nerisassap suuneranut aalajangiisussamut, aamma 2)
- akunut mamarsaatissatut akorineqartunut, taamaallaat annikitsuinnarmik atuiffiusunut.

§ 25. Imeruersaatit imigassamik aalakoornartortalimmik 1,2 volumenprocent qaangerlugu imaqtut, qanoq imigassamik aalakoornartortalimmik imaqtiginersut pillugit paassisutissanik nalunaaqutsigaassapput.

Imm. 2. Imigassap aalakoornartortallip imarisaanut kisitsisit annerpaamik 1 decimalilerlugit nassuiarneqassapput. Tamanna ilisarnaammik uuminnga "% vol" malitseqassaaq. Oqaaseq "imigassaq aalakoornartortalik" pisariaqarpat naalisarneqarsinnaavoq.

Imm. 3. Imigassat nalunaaqutserneqarsinnaapput aalakoornartortaqqanngitsutut, annerpaamik akoqarunik 0,5 volumenprocentimik alkoholimik.

Kapitali 7

Poortuutissaq ilanngunnagu nerisassap oqimaassusaa

§ 26. Nerisassat poortuutissaq ilanngunnagu nioqqutissap oqimaassusaa pillugu paassisutissanik nalunaaqutserneqarsimassapput. Tamanna tunisassianut imerpalaasunut poortuutissarlu ilanngunnagu uuttuutit metriskiusut atorlugit annertussusinngorlugu allanneqassaaq.

Imm. 2. Inuussutissaq qaleriaarluni imerpalaasuunngippat, inuussutissap imerpalaasortaqqanngitsup oqimaassusaa allassimassaartaaq. Tamannali taamaallaat atuutissaqaq, tunisassiap pingarnertut imarisaanut sanilliullugu qalipaa immikkuullarissuppat taamaammallu pisiamut allannguisuunani.

Imm. 3. Maani aalajangersakkami qalipaq ima paasineqassaaq imeq, seernartoq, tarajoq imerpalaasoq, sukkut allalluunniit kiisalu naatitanut atatillugu naatitanit safti.

Imm. 4. Taaguummi qalipaq-mi akut siuliani taaneqartut qerisut qeritsivimmiitallu kiisalu taakku akulerunnerat ilaapput.

Imm. 5. Inuussutissaq qillertunngorlugu qallerneqarsimappat inuussutissap puua galliissutaasorlu ilanngunnagit oqimaassusaa allanneqassaaq.

§ 27. Nioqqutissaq poortoriigaq poortukkanik 2-nik arlalinnilluunniit nioqqutissamik imaqqortooqatigiippata nioqqutissap imaata annertussusaata nalunaarsorneqarnerani poortukkat ataasiakkaat imaat poortukkallu amerlassusaat ilanngullugit allanneqassapput. Taakkuli

alassimanissaat pisariaqanngilaq, ataasiakkaarlugit poortukkat avataanit ersarippata kisinneqartariaannallutillu kiisalu poortukkami ataasiakkaat imarisaasa qassiunerat ersarippat.

Imm. 2. Nioqqutissaq poortoriigaq poortukkanik immikkut tuniniagassatut isigineqanngitsunik marlunnik amerlanernilluunniit imaqpapta imaata poortutissaa ilanngunnagu oqimaassusaa nalunaarutigineqassaaq imaasa tamarmiusut katillugit poortukkallu qassiunerisa allannerisigut.

§ 28. Poortutissaq ilanngunnagu nerisassap oqimaassusaa allanneqanngitsoorsinnaavoq:

- 1) Inuussutissat annertussusaat oqimaassusaalluunniit ataasiakkaarlugit tunineqarnermigut ilanngarujussuartassappata imaluunniit pisisup pisilernerani uuttortarneqarpata.
- 2) Inuussutissap poortutissaq ilanngunnagu oqimaassusaa 5 g imaluunniit 5 ml minneruppat. Mannali aalajangersagaq akuutissanut naasunillu akuutissanut atuutinngilaq.
- 3) Sukkunit tunisassiat, poortutissaq ilanngunnagu oqimaassusaa 20 g-imit minneruppat.

Kapitali 8

Inuussutissaqassuseq

§ 29. Inuussutissat nalunaaqtserneratigut, saqqummiunneqarneratigut tuniniarneratigulluunniit inuussutissaqassusaanik pilerisaarutigineqartut, puuni inuussutissaqassusianut nalunaarsuiffimmik alassimasoqassapput.

§ 30. Inuussutissaqassutsimut nalunaarsuiffik tamarmi ataatsimut takuneqarsinnaasunngorlugu paasissutissallu qaleriaartillugit allassimassapput. Tamanna periarfissaangippat paasissutissat sanimut sanileriaartillugit allanneqassapput.

§ 31. Inuussutissaqassutsimut nalunaarsuiffimmi kisitsisit ilivitsuussapput suussutsillu makku allassimassallutik:

- 1) Nukik kJ-inngorlugu aamma kcal.-nngorlugu.
- 2) Vitaminit mineralillu ilanngussaq 2-mi allassimasut suussusaat malillugit.
- 3) Akut inuussutissallit allat graminngorlugit, taamaakkaluartoq § 36, imm. 2 takuuk.

§ 32. Inuussutissanut nalunaarsuiffimmi paasissutissat akulluunniit pilerisaarutigineqartut nalunaarummi maani allassimasut periutsit makku atorlugit agguaqatigiisinnerissavaat:

- 1) Tunisassortup misissueqqissaarnera.
- 2) Akut atorneqartut pillugit agguaqatigiisinneri ilisimaneqartut piviusulluunniit tunngavigalugit naatsorsuineq.
- 3) Paasissutissat akuerisat nalinginnaasunngorlugillu inissititsikkat tunngavigalugit naatsorsuineq.

§ 33. Makkununnga tunngatillugu inuussutissaqassutsimut pilerisaarisqarsinnaavoq:

- 1) nukik imarineqartoq,
- 2) akut inuussutissallit § 7, nr. 2-6-imi allassimasut akullu taakku akut inuussutissallit suussutsit akornanniittu imaluunniit taakku sananeqataasa ilaat, imaluunniit
- 3) taakku vitaminit mineralillu ilanngussaq 2-mi allassimasut.

Imm. 2. Imm 1-imni taaneqartut saniisigut allat pillugit inuussutissaqassutsimut pilerisaarineq aatsaat pisinnaavoq, nerisassap inuussutissartaa akualuunniit annikillineqarsimaneranik, peerneqarsimaneranik ilanngunneqarsimaneranilluunniit pissuteqartumik ilisimatusarnikkut nalinginnaasumik akuerisaasumik timimut inuussutissaqassuseqarnikkullu iluaqtissartaqarpat. Taassuma saniatigut taanna nerisassap inuussutissaqassusaatigut sunniutissaanut atatillugu angissusaa naammalluni nerineqarsinnaanissaa piumasaqaataavoq.

Imm. 3. Inuussutissaqassutsimut pilerisaarutit ima oqaasertalersorneqassapput, inuussutissap piginnaasaanut sunniutissaanullu pineqartunut tulluartuullutik, eqqortumik tikkuussisuullutik paatsoornartuunatillu.

Imm. 4. Inuussutissaqassutsimut pilerisaarutip eqqortuussusaa nakkutilliisutut oqartussaasumit peqquneqarpat uppernarsarneqarsinnaassaaq.

§ 34. Inuussutissaqassutsimut nalunaarsuiffimmi inuussutissap tamarmiusup imarisai, tassa nukik, orsoq, orsut arrujaatsut, kulhydrat, sukkut suussusaat, protein tarajorlu pillugit paasissutissat pinngitsooratik ilisimatitsissutigineqassapput.

Imm. 2. Imm. 1-imni paasissutissat allassimasut akunik inuussutissalinnik ataatsimik amerlanernilluunniit makkununnga tunngasunik inuussutissaqassutsimut nalunaarsuiffimmut ilanngullugit ilisimatitsissutigineqarsinnaapput:

- 1) Orsut arrujaatsut ataasiakkaartut.
- 2) Orsut arrujaatsut qassiikkkaartut.
- 3) Polyoler.
- 4) Kinersaat.
- 5) Kostfiberit.
- 6) Vitaminer mineralillu ilanngussaq 2-mi allassimasut, ilanngussami taaneqartoq naapertorlugu annertussuseqaraangata.

§ 35. § 34, imm. 1-imni paasissutissat taaneqartut tulleriaarneri malillugit allanneqassapput.

Imm. 2. Polyoler kinersatilluunniit nalunaarsorneqarsimatillugit, nalunaarsuiffimmi kulhydratip kingorna imatut tulleriaarlugit nalunaarsorneqassapput. Nalunaarsuiffifik imatut saqqummiunneqassaaq:

- 1) kulhydrat,
- 2) tassannga sukkup suussusaa,
- 3) tassannga polyoler,
- 4) tassannga querattarsaat.

Imm. 3. Orsut arrujaatsut ataasiakkaartut qassiikkutaartullu nalunaarsuiffimmippata, nalunaarsuiffimmi orsup allassimanera kingorna tulleriaarneqassapput. Nalunaarsuiffifik imatut saqqummiunneqassaaq:

- 1) orsoq,
- 2) tassannga orsut arrujaatsut,
- 3) tassannga orsut arrujaatsut ataasiakkaartut,
- 4) tassannga orsut arrujaatsut qassiikkutaartut.

Imm. 4. Imm. 2-imni 3-milu nalunaarutigisat tulleriaarneri aalajangerneqarput akulli tamaasa nalunaarutigineqarnissaat piumasarineqarnani.

Imm. 5. Kostfiberit nalunaarsorsimatillugit nalunaarsuiffimmi proteinip kingorna allanneqassapput.

§ 36. Aku inuussutissaqassusaanik pilerisaarutigineqartoq § 34, imm. 2-mi allassimasut suussutsit akornanniippat taakkuluunniit sananeqaataasa ilarippassuk akut pilerisaarutigineqartut inuussutissaqassusaat nalunaarsorneqarnissaat.

Imm. 2. Akut allat inuussutissaqassusaanik pilerisaaruteqarnermut atatillugu, tak. § 33, imm. 2, taakku annertussusaat imaluunniit akut pilerisaarutigineqartut inuussutissaqassutsimut nalunaarsuiffiup eqqaanut ataatsikkut takuneqarsinnaasunngorlugit allanneqassapput, tassa aku pillugu kiisalu uuttuut tulluartoq atorlugu annertussusaa.

§ 37. § 34 aamma § 36 naapertorlugit paassisutissat inuussutissaqassutsimut nalunaarsuiffimmi nioqqutissap nioqqutigineqarnerani 100 g-mut imal. 100 ml-imut imarititatut allanneqassapput.

Imm. 2. Pissusissamisorpat, nerisassap piareersarneqarnissaat nassuiarneqarnera naammappat kiisalu nioqqut pillugu paassisutissat nerisassap nerineqartussaaneranut nassuiarneqarsimappata paassisutissat nioqqutip piareersareersimaneratut saqqummiunneqarsinnaapput.

Imm. 3. Paarissutissat imm. 1-imi 2-milu taaneqartut makkuninnga ilaneqarsinnaapput:

- 1) puuguttamut ataatsimut, aatsaalli puuguttanut qassinut naammannersut allassimappat,
- 2) annertussutsimut poortuitissami allassimasumut, imaluunniit
- 3) inuup inersimasup nerisartagaasa agguaqatigiissinneranut procentitut innersuussuteqarnikkut, 100 g-imut imal. 100 ml-imut imal. puuguttamut ataatsimut imal. nerisassamut ataatsimut.

Imm. 4. Inuussutissaqassutsimut nalunaarsuiffimmi ilanngussaq 2-mi allassimasut pillugit vitaminit mineralillu allassimappata, taakkununnga 100 g-imut imaluunniit 100 ml-imut nerisat innersuutigineqartut procentiinik ilanngussisoqarnissaat piumasaqataavoq.

§ 38. Nukik nalunaarsorsimasoq ilanngussaq 3-mi naatsorsueriaaseq allassimasoq naapertorlugu naatsorsorneqassaaq.

Kapitali 9

Ulloq qaangiuffissaq kiisalu uninngasuuteqarnissaq atuinissarlu pillugit najoqqutit

§ 39. Inuussutissap ulloq qaangiuffissaaiima allanneqassaaq:

- 1) "...sioqullugu pitsaanerpaavoq",
- 2) "...naanerani pitsaanerpaavoq",
- 3) "...tikillugu pitsaanerpaavoq", imaluunniit
- 4) "... tikillugu ilanngullugulu pitsaanerpaavoq".

Imm. 2. Inuussutissat tappiorannartunut atatillugu asiujasut taamaammallu sivikitsup ingerlanerani inuup peqqissusaanut akornutaasunngorsinnaasut "ulloq atuiffissaq kingulleq ..."-mik allassimasoqassapput.

§ 40. § 39-mi paassisutissat ulluliussap saqqumisinneratigut imaluunniit ullup allassimanerata sumiinneranik innersuussinikkut saqqummiunneqassapput.

Imm. 2. Ulluliussaq paassiumaallisarneqanngitsoq tulleriaat ulloq, qaammat ukiorlu naapertorlugin allanneqassaaq. Taamaakkaluartoq inuussutissanut:

- 1) qaammatit pingasut inorlugit atasinnaassuteqartunut ulloq qaammallu allannissaat naammappoq, 2) qaammatit pingasut sinnerlugit 18-illi inorlugit atasinnaassuteqartunut, qaammat ukiorlu allannissaat naammappoq, aamma
- 3) qaammatit 18-it sinnerlugit atasinnaassuteqartunut ukioq qaangiuffiusussaq allannissaat naammappoq.

§ 41. Inuussutissat naammassereerlugit poortukkat ullormik tunisiffissamik kingullermik imaluunniit qaangiuffissaanik nalunaaqutserneqarsimasut qaangiuffissaanik nutaamik nalunaaqutseqqinnejqarsinnaanngillat imaluunniit poortoqqinnejqarsinnaanngillat.

Imm. 2. Tunisassiortoq qaangiuffissamik ulluliisimappat imm. 1 inuussutissanut § 43-mi allassimasunut atuupportaaq.

§ 42. Qaangiuffissat pillugit paassisutissani qaangiuffissaata eqquutsinniarnissaa qulakkeerneqartariaqarpat uninngasuutiginissaanut najoqput ilanngunnejqassaaq.

Imm. 2. Inuussutissat § 39, imm. 2-mi allassimasut pinngitsooratik uninngasuutigineqarnissaannut najoqputissaqartassapput.

§ 43. Ullumik qaangiuffissamik allagartaliineq inuussutissanut ukununnga pinngitsoortinneqarsinnaavoq:

- 1) Paarnat naatitat, naatsiiallu nutaat qalipaajarneqanngitsut, aggorneqanngitsut allatulluunniit assingusumik suliarineqarsimanngitsut. Taamatut pinngitsoortitsineq naatsiissanut naalersunut allanullu assingusunut, soorlu naatitat puullit naarlaavinut, atuutinngilaq.
- 2) Iffiukkat mamartuliallu, qanoq issusertik pissutigalugu suliarineqarnerminniit nal. akunneri 24-t qaangiutsinnagut nerineqartussatut naatsorsuussat.
- 3) Seernartoq.
- 4) Tarajoq.
- 5) Sukkut manngertut.
- 6) Mamakujuttut mamarsaatillit aamma/imarluunniit qalipaasikkanik sukkullit.
- 7) Tyggegummit tunisassiallu allat tamuagassiat assingi.
- 8) Viinnit, Viinni akusaq, mousserende viinnit, viinnit mamarsaatillit allallu tunisassiat assingi, viinnissanit (drue) sanaajunatik allanik paarnanit sanaat.
- 9) Imigassat 10 procentinit annerusumilluunniit aalakoornartullit.

§ 44. Nalunaaqtsiinermi atuinissamut ilitsersuut ilanngunnejqassaaq, matuma ilanngutinnginneratigut inuussutissaq kukkusumik nerineqarsinnaappat.

Kapitali 10

Nakkutilliineq, immikkut ittumik akuersineq pineqaatisiinerlu pillugit aalajangersakkat

§ 45. Nalunaarummi matumani maleruagassat nalunaarullu manna naapertorlugu aalajangiuussat maleruarneqarnissaasa nakkutiginissaat Naalakkersuisut suliassaraat.

§ 46. Naalakkersuisut pissutsit immikkut ittut pissutigalugit tunngavissaqarunillu nalunaarut manna saneqqunnejqarsinnaasoq nalunaarutigisinnaavaat.

§ 47. Unioqqutitsinerni § 11, imm. 1-3, § 12, § 13, imm. 1, §§ 14-19, § 22, imm. 1, § 23, imm. 1 aamma 4 aamma 5, § 24, imm. 1, § 25, § 26, imm. 1 aamma 2, § 27, §§ 29-33, § 34, imm. 1, §§ 35 aamma 36, § 37, imm. 1 aamma 4, §§ 38-42 aamma 44-mi aalajangersakkanik, imaluunniit nalunaarut manna naapertorlugu aalajangiussat unioqqutinnejartillugit akileeqqusissumvik tunniussisoqarsinnaavoq Kalaallit Nunaanni pinerluttulerinermut inatsimmi malittarisassat naapertorlugin.

Imm. 2. Ingerlatseqatigiiffit il.il (inatsisitigut pisinnaatitaasut pisussaatitaasullu) pinerluttulerinermi inatsisitigut akisussaatinneqarsinnaapput, Kalaallit Nunaanni pinerluttulerinermi inatsimmi kapitali 5-im i aalajangersakkat malillugit.

Imm. 3. Akiliutit imm. 1 aamma 2 naapertorlugin nunatta karsianut akilerneqartassapput

Kapitali 11

Atuutilersitsinermut, atorunnaarsitsinermut aamma ikaarsaariarnermut aalajangersakkat

§ 48. Nalunaarut manna 15. august 2020-imi atuutilerpoq.

Imm. 2. Ilutigisaanik atorunnaarsinnejarpooq Nerisassanik nalunaaqutsersuisarneq pillugu Namminersorlutik Oqartussat nalunaarutaat nr. 20, 15. november 2019-imeersoq (nalunaaqutsersuisarnermut nalunaarut).

Imm. 3. Nalunaarut atuukkunnaarsimasoq naapertorlugu imm. 2-mi sanioqqutsisisinnaanermik aalajangersakkat atuutiinnassapput, qaangiunnissaasa atuukkunnaarsinnejarnissaasaluunniit tungaanut.

Namminersorlutik Oqartussat, ulloq 17. august 2020

Jens-Frederik Nielsen

/

Isak Nielsen Kleist

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut